

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
2016 ԹՎԱԿԱՆԻ ՀՈԿՏԵՄԲԵՐԻ 27-Ի N 1109-Ն
ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ
ՈՐՈՇՈՒՄ**

_____ 2025 թվականի N ____-Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2016 ԹՎԱԿԱՆԻ
ՀՈԿՏԵՄԲԵՐԻ 27-Ի N 1109-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

Հիմք ընդունելով «Նորմատիվ իրավական ակտերի մասին» օրենքի 33-րդ և 34-րդ հոդվածները՝ Հայաստանի Հանրապետության կառավարությունը **որոշում է.**

Հայաստանի Հանրապետության կառավարության 2016 թվականի հոկտեմբերի 27-ի «Պետական իշխանության մարմինների սպասարկման գրասենյակների գործառույթներ իրականացնող օպերատորների ցանկը հաստատելու, գործառույթների իրականացումն օպերատորին պատվիրակելու, գործառույթների ցանկը հաստատելու, օպերատորի հետ կնքվող ծառայությունների մատուցման պայմանագրի օրինակելի ձևը և օպերատորին առաջադրվող նվազագույն տեխնիկական պահանջները սահմանելու մասին» N 1109-Ն որոշման (այսուհետ՝ Որոշում) մեջ կատարել հետևյալ փոփոխությունները և լրացումները.

1. Որոշման՝

1) վերնագրից հանել «գործառույթներ իրականացնող օպերատորների ցանկը հաստատելու,» և «գործառույթների ցանկը հաստատելու,» բառերը.

2) 1-ին կետն ուժը կորցրած ճանաչել.

3) 2-րդ կետից հանել «, իսկ պետական մարմինների վրա չի տարածվում

նաև սույն որոշման 5-րդ կետի 1-ին ենթակետով նախատեսված՝ պետական մարմինների հետ պայմանագիր կնքելու պահանջը» բառերը.

4) 4-րդ կետն ուժը կորցրած ճանաչել.

5) 6-րդ կետում՝

ա. «Հայաստանի Հանրապետության Արդարադատության նախարարին» բառերը փոխարինել «Պետական մարմիններին՝ իրենց կողմից օպերատորին պատվիրակվելիք գործառույթների մասով» բառերով.

բ. 2-րդ ենթակետից հանել «՝ համագործակցելով իրավասու մարմինների հետ» բառերը?

գ. ուժը կորցրած ճանաչել 4-րդ և 5-րդ ենթակետերը.

դ. 6-րդ ենթակետում «կարգը» բառից հետո լրացնել «՝ ըստ անհրաժեշտության» բառերը:

6) 7-րդ կետն ուժը կորցրած ճանաչել.

7) Հավելված N 1-ը և Հավելված N 2-ը ուժը կորցրած ճանաչել.

8) Հավելված N 3-ով հաստատված «Պետական մարմինների և օպերատորի միջև կնքվող ծառայությունների մատուցման պայմանագրի» օրինակելի ձևում՝

ա. նախաբանից հանել «Հայաստանի Հանրապետության արդարադատության նախարարությունը» բառերը.

բ. 1.1-ին կետը շարադրել հետևյալ խմբագրությամբ.

«1? Սույն պայմանագրի համաձայն՝ պատվիրատուն պատվիրում, իսկ կատարողը պարտավորվում է սույն պայմանագրով սահմանված պայմաններով և ————— կողմից հաստատված՝ օպերատորին վերապահված գործառույթների իրականացման համար նախատեսված մեթոդական ուղեցույցի համաձայն մատուցել դիմողի նույնականացման, պետական տուրքի գանձման, դիմողի կողմից ներկայացված փաստաթղթերի ընդունման, փոխադրման և հանձնման ծառայություններ, անհրաժեշտության դեպքում, խորհրդատվության տրամադրմանն ուղղված ծառայություններ:»

գ. 1.1.3-րդ կետը շարադրել հետևյալ խմբագրությամբ.

«1.1.3. օպերատոր (կատարող)՝ դիմողի նույնականացման, պետական տուրքի գանձման, փաստաթղթերի ընդունման, փոխադրման և հանձնման ծառայություններ մատուցող և սույն որոշման 2-րդ կետի պահանջներին համապատասխանող սուբյեկտներ.».

դ. 1.1.4-րդ կետն ուժը կորցրած ճանաչել.

ե. 1.1.5-րդ կետը շարադրել հետևյալ խմբագրությամբ.

«1.1.5. Պատվիրատուն՝ անհրաժեշտության դեպքում կատարողի կողմից նշված օգտատերերի անձը հաստատող փաստաթղթի և զբաղեցրած պաշտոնի վերաբերյալ տվյալներն ստանալու դեպքում կատարողին տրամադրում է համապատասխան էլեկտրոնային համակարգին հասանելիություն «Ես Եմ» ազգային նույնականացման հարթակի միջոցով, իսկ անհնարինության դեպքում՝ մուտք գործելու համար նախատեսված մուտքի անուն և գաղտնաբառի միջոցով մուտք գործելու հնարավորություն՝ իր էլեկտրոնային համակարգում անհրաժեշտ գործառույթներն իրականացնելու նպատակով.».

զ. 1.1.6-րդ կետն ուժը կորցրած ճանաչել.

է. 1.1.7-րդ կետից հանել «Հայաստանի Հանրապետության արդարադատության նախարարության կողմից հաստատված» բառերը.

ը. 2.1.1-ին կետը շարադրել հետևյալ խմբագրությամբ.

«2.1.1. դիմելու պատվիրատուին՝ համապատասխան էլեկտրոնային համակարգ մուտք գործելու հնարավորություն տրամադրելու համար.».

թ. 2.2.1-ին կետից հանել «Հայաստանի Հանրապետության արդարադատության նախարարի կողմից» բառերը.

ժ. 2.2.11-րդ կետում «առկայության» բառից հետո լրացնել «դեպքում» բառը.

ծա. 2.4.5-րդ կետը շարադրել հետևյալ խմբագրությամբ.

«2.4.5. անհրաժեշտության դեպքում կատարողին տրամադրել համապատասխան էլեկտրոնային համակարգ մուտք գործելու հնարավորություն.».

9) Հավելված N 4-ով հաստատված «Օպերատորի սպասարկման գրասենյակներին առաջադրվող նվազագույն տեխնիկական պահանջներ»-ի վերջին պարբերությունում «միջոցներ» բառից հետո լրացնել «:» կետադրական նշանը:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը: